

兩朝從信錄

兩朝從信錄卷之十

秀水

沈國元述

十二月乙酉

清理黃冊

四川蘭酋倡亂

孫寶慶

慘

九月十七日永寧土目樊龍興虎鏡領調兵至重慶聽
川撫徐可求點發客受酋長奢崇明密與父子逆謀挾
衆煽亂殺傷官民遂據重慶當時殞命者則有撫臣徐
可求道臣孫好古駱日升李瀝周重慶知府章文炳推
官王三宅順慶府同知王世科巴縣知縣段高選等又
有叙州府同知熊嗣先總兵黃守魁參將萬金生營指
揮王登爵等俱同日被害其科臣明時舉臺臣李達重
慶通判王天運猶得負傷踰牆而遁也至于左右執事
一時伏尸遍地不可勝數矣大約奢酋之謀原非一朝
故有謂一官責其二頭目各五板各兵側目以視又欲

黔土兵之面勿使竄因而效亂者四川道夏報有謂龍等止兵七千冒充一萬因撫臣點核比較汰革老弱乘機倡亂者王工部家丁亦有謂其因索錢糧輒起悖逆者如莊泰氏報皆未足憑而惟是言原調土兵若干復多帶若干以來土兵入城聽點江岸仍擢列數千露刃以候城內砲響城外應之即將江口停泊商民亂斫以槍者此報稍為可信此當日變起之情形也但聞據城之後城門或開或閉商民船隻順流而下彼亦不能禁惟時時痛飲故樓笑歌微外麾下亦稍挈資以逃似此舉動賊之志可以見矣

遵義城陷

九月二十一日據四川遵義軍民府中報防守黎民營千總官蕭有忠大濤營加銜指揮李逢陽等各報稱永寧宣撫司奢崇明督兵到江門仍又旋回伏在媽蝗江割兵一十三營鄉民逃躲等情又查得遵義縣米山水阿六名亦在遼陽回假稱守備同蔡金劉星稱等來催招新兵又有木橋白田堪余馬戶王鑒生等百餘人先以援兵投入宣撫司接連會令作亂全係若輩主謀搶掠居民燒燬房屋隨經該府通判袁任差捕擒獲

賊兵未至
向為先夫
子能逃于
先議

通夷犯人張向極何成龍一條生貢一條吏胥到官
奢酋崇明欲殘破遵義等地方併通同楊酋為內應
福招集舊民內接外應謀為不軌其應調援遠之兵命
夷口長官樊龍等押行崇明與衆夷口羅興乾等將夷
兵半萬折回巢穴逆欲乘機三路進兵直搗遵義亂機
已萌勢不可遏湖廣巡按臣報十月月初三日戌時遵義
府署印通判袁任攝該府并遵義縣印奔往貴州史按
臺稟稱永寧宣撫翁崇明同子各領苗民調兵援遠重
甯亡命奸徒反播州餘孽聲言伏土楊保苗民一時蜂
起附投遂將沿海營哨殺擄一空遵義府縣軍民震驚
無措各自奔逃本職數次撫諭阻罷不住奉本府知府
杜天培病故本道李仙品督兵援遠參將萬全全赴重
慶未回原有木道標兵二百五十名參將標兵七百名
守城兵三百名因借充援遠去至十七見在數百名或
隨本道遠出或隨參將赴重慶或送杜知府樞至桐梓
兵數全虛民無因志衙役全逃惟職一人斷天無奈於
九月二十八日只得責印出城頃刻逆兵果至進入府
城已是無人之境矣職強奔至烏江幸有奉發都司許
成名并都指揮徐用賓等督領奇兵鄉兵把兵欲渡江
赴援遵義職疾呼過渡據去舟隻職方脫命前來等情

貴州史
延按察

石柱宣撫司掌印女官秦良玉勤王時賊厚遣秦氏求其
助兵秦氏斬使留銀進兵圍重慶。郕陽撫臣楊述中奏
聞。

上諭兵部曰宣撫秦良玉圍城勦逆忠義可嘉并貴州宣
慰司等司檄調協勦着會同該省撫按便宜行事。

賊攻合州江津知州翁登彥知縣周禮嘉率眾禦之攻興
文知縣張振德死之。

時賊勢蔓延逆徒借逞人民望風逃竄戰守無一足恃
納溪瀘州江安等城俱經燒劫興文知縣張振德勢不
能敵遂同妻子自焚永州長寧榮昌隆昌屏山亦俱空
矣合州翁登彥江津周禮嘉賴兵堅城屢挫賊鋒其胆

同佐指揮籌畫惟臣胞弟明屏征播征黔先立微功近從
援遼蒙部札街都司僉書復差四川催兵抵家一夕聞臣
與賊相持孤軍進退無措幸屏即續統領精兵往救諭城
要地似此一腔忠義勤王圖報可嘉伏乞

皇上勅下兵部憐念忠肝謂臣不謬加賞叅游職銜責令
分統司兵獨當一面冲鋒臣侄生員秦翼明提調楊學禮
俱係文武全才祈各一銜以便軍前効用庶人心得以鼓
奮會旦夕可平臣竊思世受

皇恩天高地厚無涯誓滅此賊以報萬分之一也又據逃
難商民傳說仁懷赤永適合州縣爲奢兵所破長壽涪陵

百姓乘機自亂草木皆兵除臣一面恢復諭城安撫鄰邦州郡外俟有捷音另行飛報

上諭兵部曰援遼川兵准行原領李仙品等押回討賊候事平優行叙賞其賊情着陝西鄆陽巡撫官差人偵探不時傳報餘着該部議覆劉時俊既請蜀事便着與彼中應用

廣東道董翼奏曰蜀于諸夏爲斗絕北有劍閣東有瞿塘原是有割據之勢中原一擾輒有僻處自雄挈九泥而封之者在往代猶可言也據蜀則去蜀耳我

朝幅輳四擴蜀之外有黔矣黔之外有滇矣延袤數千餘

里差直當天下藩省五分之一。而盡處上游。秦楚江淮。皆其建瓴而下者也。蜀一失守。無論與黔非我疆土。其為中原禍。豈淺渺哉。臣因謂蜀患不滅遼患。而救蜀當與救遼並急也。

蜀警佐德一時建議者。或念切封疆。或情關宗國。或痛生靈之塗炭。或嘆蛇豕之蠹窺。忠形石畫。義見請綬。用哀羣集之嘉猷。永載不磨之令甲。

議重臣。

董真曰。蜀兵卑弱。捷伐難憑。勢必藉力于滇黔秦楚。而一日無兼制之策。四省之兵。一日不能殲也。督臣可且暮緩耶。

木兵曰。廷推總督。已稱得人。惟是駐紮之地。居中調度。應在東南。而今叙河一帶。半屬賊窠。則控扼之權。宜取

上游順慶一府南瞰重慶勢可北于建瓴西應成德顧
不難于及腹此建節之無事再計者至督臣兼制四省
責任既專事權宜重是

皇上界以寵重賜之尚方劍俾得便宜行事而提兵聲
討用赫天威猶宜資其調遣原調川兵奉

命返旆俱聽相機督發毋緩中制
孫之益曰牙囊虛懸誰為替御今幸補撫臣朱雙元矣

塞上有夔龍可以釋

皇上西顧之憂但恐入盟事先聞報在後地方仍虛無
人可慮也宜星夜齎

勅印前往即使途已久必令遙速回任相機辦務庶
文武有所京成而地方得資其彈壓之望也

又曰川省無兵不能不借兵于別省遠者以鞭長不及
宜

勅諭湖廣貴州兩撫臣一提兵夾陵巴東以北上游之
聲勢一提兵于永寧境上以作犄角之聲援二臣即于

此地候代不相妨也仍
勅令沐國公提重兵于畢端建昌境上以候調援并而

擇善又
勅安宜慰率麾下各軍或掃其巢穴或乘後追襲彼昨

茅遠服世受

國恩當鄰有舍率之變而不為

朝廷効一臂之用必非情也仍

勅諭陝西撫臣遣標兵一枝于朝天嶺上以為防護守

送之資庶四路聲壯而賊氣可先奪也

董翼曰蜀以棧道為門戶門戶不通堂奧安得而有之

秦撫之出鎮漢中更一旅住沔陽或住寧遠以樹聲援

乃關撫節鉞原為四省而建蜀之罷塘忠州衛所並兼

師撫

祖宗之法豈無有深意乎宜

勅令移駐荆南督發人募兵馬如岳州之役撫臣江鐸

提督偏沅事何處楚蜀聲援不至隔絕而蜀之東南西

北首尾可以應繫呼吸可以通氣也

又曰道臣之難宜酌今日之蜀首莫急于重慶次莫急

于叙州而高陵去渝城止二百里三道皆有事地方一

日不可無壓彈者乃徐如珂與國仕舉已奉命有日而

履任之期尚杳如也能不聞報而舉足乎獨有叙州道

赫發近在龍安可備緩急耳急宜移文督促就道而要

之恐無清也就附近揀才

宜破格陞補亦便計矣

速除補

議道府

孫之益曰、今道府被裁者數人矣、中外另推何時可到、宜于本省府官中之有才畧者、即補道缺、佐二中有才畧者、即補府缺、知縣中有才畧者、即補府佐、或之缺、其有經緯長才、倉卒應變者、不妨破格錄用、以濟危難、即銓司不能一一盡知其品、今舊按臣吳之皞已入都矣、其于諸臣之才品、不啻燭照而數計、可一問而知也、梁之棟曰、今黔兵無餉、無民、而又莫急于無官、即保寧接壤漢中、為西蜀咽喉、狼奔豕突、必戎馬蹂躪之所、兵燹以來、郡守周道直、紳士著修城隍、守要害、慷慨幹濟、聲勢大振、人心所恃、無虞旋聞、按臣檄移川東矣、守道又已疾陳矣、宜就道推補、以資保障、

議城守

孫之益曰、永平既久、人不知兵、垣雉卑薄、誰是金湯、宜速下一勅諭、川省各官、今歲自布政司以下、俱免入覲、令府州縣正官、嚴督鄉兵、護守城池、即途次問、

詔者速回到任。異日賊至而能出奇制勝者。與護守有功者俱從優論。違者以失陷城池之罪罪之。不得以入覲在途卸責也。

議將帥

孫之益曰。今川兵作亂。土司在在生心。宜于秦楚乾近地方。擇名將一員。統領重兵。鼓行而西。盡先聲所至。賊首寒膽。而不致之擾中原。大肆殺戮。

董翼曰。今之將蜀兵者。已陞遣以急應矣。而蜀自成都至羅塘。可三千里。時且有夷兵竊據險阻。可以一余懸遙制乎。宜併

勅新設鎮楚總兵。詳來胤。統領接連川兵之逗留者。徑由巫夔直上忠治。以防奔逸出缺之路。

國初之平僞夏何常不以兩路並進耶。

議兵餉

果之棟曰。比聞錯繡。必有一鄉一國之豪俊。爲之首倡。舉無有如合州程宇。鹿董盡倫。黃州金號。召倡率義勇。

共屯軍

之兵千民
足耐于賦
以軍

而蜀口形勝釣魚云頂之地得以扼其要害者宜亟令
本地鄉官士夫倘能勸衆戢盟揮金激勸與地方官參
謀協力請告者即爲超陞罷閑者起用舉監生員皆分
類優異而素封之家亦令捐資助募即與之以千把總
等職銜以示鼓舞則城自爲守人自爲戰必無逃遁而
就近州縣互相應援烏合之衆豈能堅壁以老我之師
也

孫之益曰守巡兵備官及各衛所官俱各有城守之責
民兵壯勇衛所屯軍今星夜查核補足原數予之器械
作其忠勇令戰則勝守則固雖是臨渴掘井而救焚拯
溺舍此無策焉
梁之棟曰益州人民利羅兵革有流亡在道叩心泣血
者有父兄子弟仇讎者驚悍之民掠財物掠婦女不甘
心叛亡即散爲盜賊猶當候令郡縣官照極起兵簡其
丁壯督力并家鄉強悍者編爲隊伍州縣官即動徵收
錢糧常加賞養倘有督力機警之輩或命爲十人之長
百人之長特厚其根模果能馴集固守事平之日破格
獎賞仍分別蠲免以酬其勞績如凶災荒之例庶父兄
子弟不輕去其鄉而思亂之民不爲賊用而我乃收一
臂之力也

第六則見
有諸衛土
司部兵義
勇裁培援
兵諸邑而
始則推藉
一者復
以生害
見其何
見其于
烏江浦

議防守

董翼曰蜀自徵取夷兵絕無一毫帑金之發蓋蜀府庫僅括三十餘萬支撐不給而變起矣按臣蹤中謂榮昌等縣一空不但以府庫委賦而諸藏其復有長物乎成都所調松潘威茂等衛想已集二萬人而素良玉之趨長壽而仗土沱者當亦不下二三千人也帑發而遲遲不解何不鑑前車之轍而為此逗遛矣宜急遣賢能官以帑金二十萬為兩路以三分解赴成都以一分解赴巫夔急餉軍士毋俾脫巾可也

貴州巡按史永安曰黔與遵又地界密邇烏江之險可阻敵兵之來而湄潭甕安餘處黃平龍泉一帶賊可長驅而入萬一勾連七寨兩江之南如虎傳翼黔之大事去矣即今把守烏江謹防湄甕非兵數萬不可而川餉二萬八千金況設于重慶僅餘楚餉除解到者用盡將到者止一萬二千金倘漢土援兵四集不足以供一月之行糧是時無兵則憂賊無餉則又憂兵

湖廣按臣舒曰隔中于重慶則荆岳急中于遵義則辰沅急過分守荆南道劉澤深以領表入會城隨會撫臣檄鎮歸州而以江防道移駐江陵聯絡策應相機

防援。一帶江城嚴行申飭。
荊州知府熊秉鑑具揭按臺云。薛游擊帳前勇士僅一
二百人。其親兵一千。近在襄陽。或可呼之。即至。又有夷
陵州教師孟希淑者。亦募壯士百餘人。願隨薛將軍滅
賊。一得台臺號令。彼即鼓行而西。此非爲我守歸巴直
爲蜀平大難耳。卑職竊見此人勇而有謀。士樂爲用。驚
令嚴明。必能成功。其所携餉。共一萬有奇。蓋帶至山廩
關支前隊者。而工部主事之銀。則所以餉奢兵。今即以
餉奢者減奢。極爲直截。但須台臺知會兵工二部。一面
支發。似亦無碍。至于守禦之策。卑職力所能爲者。已畢
力爲之。其不能爲者。尚俟本道移鎮具詳申請。大約目
前吃緊之着。則自巴東歸川。夷陵宜都枝江松滋。以至
荊州之沙市。存在有奸人。日日有偶語。其州縣正官。除
松宜原係裁減衙門外。恐歸夷巴松。盡當免覲。萬一蜀
不即平。他日征調紛紛。俱由此
路。誠有一日不可缺正官者。

議賞罰

木兵張鶴鳴曰。夫郡邑守令。既任專職。義當死守。乃自
合州江津而外。爲遵義之責任者。何止此也。烏合賊衆。

未必遂能陷城而城先自陷効死勿去之義諸臣獨不聞乎周禮嘉翁登彥危城獨任應行役中撫按從優獎勩仍聽吏部加銜重用張振德死難自焚應聽該部卹錄其餘逃竄諸臣併乞勅行督撫按臣查勘情形分別論罪

議賞格

本兵又曰重懸賞格如有擒斬逆賊者不吝爵戶之封爵從投獻者許開一面之網庶衆皆敵愾反側歸心奢賊其爲釜魚乎

上諭兵部曰土舍承襲地方官因循陋規大干法犯着嚴行禁革違的巡按官叅奏重治水西屢從征調効勞安位着即與承襲各土舍宋嗣殷等盡行催襲不得稽延○總督張我續提督川湖雲貴四省軍務

上覽吏科甄淑邊情疏論兵戶二部曰這本說的是封疆大計豈容意見參差經撫共肩重寄着遵旨實心協謀督撫道將相機戰守本兵調度兵將居中運籌共拯危疆如彼此偏執內外推諉致誤事機罪責有歸戶部專司芻餉尚書并總理糧務着及時商確料理毋致軍需匱乏
祁伯裕爲南都御史

原任禮科都給事中張貞觀男張鎮比例陳情乞表幽忠
以光

聖孝。

昔貞觀在禮垣以
國本未定疏先九上。作。直爲民。

贈恤遼瀋死戰武臣

張神武贈都督僉事襲陞三級楊宗業贈都督同知廕
一千本衛正千戶梁仲善贈都督僉事襲陞三級俱從
祠祭郭有光復原職贈二級襲陞二級劉芳聲等五員
各照本職上贈三級襲陞三級曹登爵等三十三員各
照本職上贈二級襲陞二級張鄂等九十二員各照本
職上贈一級襲陞一級并見龍贈指揮使李柯彭卿彭
應勝彭相舟各贈千
戶侯世祿等依擬

吏尚周嘉謨奏言老臣去國身輕犬馬戀

主情重敬陳四則以祈

聖鑒一曰願養

聖躬二曰培養

聖德三曰責任輔臣四曰愛恤人才

上嘉其忠愛

禮科左給事中周朝瑞請儲才以應急需疏曰臣荷
皇祖多年培養

先帝一朝錄用因言忤旨彼時

聖意雖未即愬然臣已自甘斥遠不踰月

人經何等
委曲

皇上龍飛御極新詔首復臣官此其國家二百四十

餘年未有之遭逢非常之契合臣感極涕零益

思報國是以每憤

朝家多故嘆人情偷安心切救時凡有可以安社利國
家無丹不披何暇顧忌不諳事體誠有如此

明旨之所切責然猶薄罰示卷

天地同容臣清夜捫心不知何以得此于

聖上半月來反躬自訟日求其無忝言責以仰答

殊恩于萬分竊思諫官以言爲職舍進言別無可爲効忠

之路臣安敢因言未投機遂從此以言爲戒乎且今天下

事千差萬誤臣雖欲一一言之當從何處言起惟此時疆

場大患終其急于妖氛正熾剪滅此而朝食力尚屈于不

能厚備之而全制之局亦禁于未定賊之滅早滅晚專看

我之整頓遲速而當鋒戮力又全籍有一班急難之才近

見廣寧巡撫王化貞題監軍道僉事馬紹芳忠病一疏大

約謂紹芳去而殘遼酷氣亦甚憂其接續無人。是遼臣今亦慮及之。而臣慮此則非但今日始矣。居恒私議除在遼受事諸臣外。試詢其再有誰堪經撫。誰堪按道。方今舉朝搯腕共嘆乏才。若然則須是目前一鼓殲賊。事無中變。人徂故常而後可。設使賊滅難期。而天意每深。人謀不及。直至遼左。需人乃始。倉皇驅馬于水。盪舟于陸。不惟誤國。亦且誤人。以臣之愚度之。天下畢竟有才不用。何至欲用無才。在人主知所以招之耳。上古不云乎。夫用兵之要在崇禮而重祿。禮崇則智士至。祿重則義士輕死。臣謂方今在廷諸臣。師師布列。其遂無可備經撫按之選者。

皇上宜勅當事先事識別。破例儲蓄。務必以繫其心。使之戀。

聖主禮祿之隆。而不能舍。勿仍循咨濫擢。官思擇便才。願投閑。即至事急。容有不得已。而生擒拏捉。以往乃入言且動沒其忠。

皇上復不憐其苦。未聞表帽之頒。一任謗書之積。又何以慰勞臣之心。而鼓豪傑吞賊之氣乎。若夫在外分符諸能吏。自藩臬以至郡邑。其于戢寇安民。頗多經歷。窮情殫變。路熟車輕。苟官不敗于垂成。智必優于排解。今當大計之年。總萬國之人才。盡集。

闕下合先勅各該計吏諸臣于入

覲各正官務隨時隨地廉其根基審其標表察其局幹耳

目可備緩急者藩臬知府中或七八人五六人州縣中或

二十人十數人俟計事既畢其在藩臬知府處以符開京

堂其在知州知縣處以各部主事但問勁質長才勿限明

經一榜夫擢以不次人不難割所愛以從而重以廷推

人又欲竭吾才以副視夫倚于造次羅之以風影其人之

或得或失直不啻星淵懸也以當一面之求監軍之選臣

固知其倬有餘地矣然業已蓄之京堂儲之部署原副丞

亂非取養尊如要害之需才時尚未及京堂宜任之練兵

蓄騎督餉視師但憂隨試不效何愁大用無時部署宜用
之戶兵工三部或資其心計理財或假其前籌致勝或因
其巧筭苦思收堅甲利兵之益如是則管理新餉監造盛
甲與夫職方郎亦不患于偶缺無人久之果各有成績可
觀不妨優以內轉斷不至旁開倖竇俾諸臣務得緣是爲
速化之梯京堂謀陞內地巡撫部署謀改各省銓部一番
鼓舞祇以長異時躁競之風人言奴酋爲催官星不誣矣
當事可不熟慮于先而預防其漸哉至于山中被

召諸賢如鍾羽正趙南星熊明遇李邦華等峻節通才人
既仰其變化已亦須趁風雲一出而表儀寮案界限華夷

正宜傲雪凌霜、勿復較長論短、徒令知之者起有心閉戶之疑、不知者業張盜虛名之誦、即所以自爲、豈直無見策如危時

冲聖何猶宜

特勅該部急催到任、以無負嚴穴之聘、共佐國家之急者也、嗟此久遊幽人、本是濟川舟楫、然亦有感于遼撫、未遐想邦華而連策及之、臣一念報

主葵誠忠心難昧、故復不禁謬謬倘蒙

聖明裁察、稍化拘攣、用塞罅漏、立勅衙門議覆施行、真祖宗有靈、天下大幸、臣不勝激切之至、奉

聖旨時事需才着該部加意訪用鍾羽正等都着上緊催
來到任不得任意挨延

纂修實錄禮部尚書翁正春等

纂修玉牒禮部左侍郎郭渭等

太僕少卿劉時俊贊畫川湖雲貴軍事

詹馮琦劉夢先各一子入監

遼原任遼撫李維翰

元輔葉向高祇謁

定慶二陵還恭進詩章

止宣付史館

血正直言
心無兩可

望微

御史江秉謙直言天下所最急最重疏曰遼左禦奴一事祖宗之金甌視爲安危都城之心視爲離散草澤奸雄不逞之徒眈眈視爲動靜而我

國家兵餉全力亦盡萃遼左無餘矣此其托于經撫諸臣者何如干係而

朝廷之上或以意見爲愛憎以愛憎爲低昂又或以含糊爲兩可以兩可爲責成乎臣久欲吐胸中憤懣而緘口者三經撫議論不合幸奉有會議

明旨矣敢直言以佐

廷議即犯時忌不顧也

皇上再起熊廷弼授以經畧假以節鉞不啻曰疆場之事不從中制乎而數月以來經畧若不得措其手足展其尺寸呼號日夕辨駁踵至其執爲題目者曰惟曰經撫不和王化貞欲戰熊廷弼欲守耳夫廷弼非專言守謂守定而後可進戰也化貞銳意進戰即戰勝而可無俟守乎萬一不勝而又將何以守也此其事勢情形夫人而知之而又欲一陞之于九天無一言不聽從一抑之于九淵無一策令吐氣其真盡無心知不明于戰守之說彼原不從戰守起議但從化貞與廷弼起議耳夫廷弼所稱爲經畧節制三方者也則三方之進戰退守皆當一一聽其指揮一一

聽其部署。乃化貞欲進。則使廷弼隨之而進。化貞欲退。則使廷弼隨之而退。化貞之倏進倏退。則又使廷弼進。不知所以戰而退。不知所以守。是化貞操節制廷弼之權。而經畧未嘗有節制三方之權也。是經畧爲具官。稟成則無權坐罪。則有主。國家亦安倚此經畧哉。故今日之會議。非經畧不和。乃好惡經撫者不和也。非戰守之議論不合。乃左右戰守者之議論不合也。章疏交上之時。

皇上明發一旨曰。朝廷旣設經畧。廣寧戰守。悉聽經畧節制。如不効。則罪坐節制者。臣意廷弼亦習知兩河東西之形勢。狡奴出沒之虛實。必殫心經營。化貞果忠于謀。

國家必自消其意見。共與商確。有何經撫不和。戰守不合。而紛紛煩。

廷議爲哉。若夫會議之指。臣有以揣之矣。意或搖于詆廷。弼之多而前日旋罷。旋憤恐蹈往轍。意將信乎頌化貞之口。而空言之用。虜用間。未必收功。只得付之九卿科道會議。目前可以藉口。異日可以卸罪也。臣以爲首輔。

三朝元老。一腔忠赤。自矢以遼事出。羣情無不景仰。

宗社無不加賴。果真有見于廷弼之可任。而遼事之不可無廷弼也。則宜明告。

皇上。以間議自有獨操。不復分任之。而旁撓之。使之一籌。

莫展果真有見于廷弼之不勝任。而遼事之可以無廷弼也。則宜明告。

皇上以秦績別有奇才。不必陰棄之。而姑存之。使之百矢交集。若猶是雨可舍。樹勢必雨有所掣肘。而安可貴之成乎。竊恐轉眼凍解。秦回虜騎長驅。備禦無策。手忙脚亂。兵將之耳目不一。口外之人心動搖。此時再議。又晚矣。當茲東冠西擾之際。

國家能堪幾番會議哉。嗟乎。

朝廷之封疆。莫以供睚眦之報復。數萬之生靈。莫以佐偏私之愛憎。拮据微闕之兵馬。莫以快剗戢之磨礪。効忠愛。

力之世界。其以長門戶之葛藤。千首輔有厚望焉。臣非不知附和。可以養交。緘默可以無咎。而獨恨明明利害。明明是非。前日不鑒。而有今日之敗壞。今日復不鑒。而釀國家指日不可救藥之禍。豈不痛哉。故不禁其狂愚。至此伏惟

聖明裁察

九卿科道會議得。遼瀋未陷以前。皆戰不成。戰守不成。宋往事不可追矣。就今日論。離守難以言戰。離戰難以言守。執守之是。而非戰。執戰之是。而非守。皆不知兵機者也。主戰主守。經撫二臣議論。畧見參差。然勢有緩急。着有先後。

言戰未嘗忘守言守未嘗忘戰二臣之持議不惟不相左而且相爲用矣撫臣身任危疆支撐數月虜馬無一渡河者不退怯于遼瀋方失之時豈退怯于兵馬旣集之後經臣奉

詔特起非常之寵前代所無

君命旣有專屬每事俱當責成譬之同舟而遇風波未有不同心共濟者二臣安危相倚是必協力下等何容輕議續接經臣守事分撥纔定戰事收拾難遑疏布置周詳防守縝密經臣有盡撫臣未嘗不從伐異爲同此事概見臣等正奉

肯會議問于初七日接經臣手書內稱進兵之事而以鎮
將人馬甲仗糧草件件胷中打透不過不敢不遲疑自沮
即撫臣亦見河上西寧兵將存劄不住撤退而相與議宗
無復進意矣三十日以病愈閱城忽接其書言率兵取海
州辭意甚決蓋聞回鄉鄭明經等之言而又動者也密令
人詢下書者云撫臣明日即往河上當是時人馬皆發已
是着一商量不得即援筆作書不必相沮而第勵以慎重
問以做法仍遣中軍官往請指揮以便策應雖身邊隨帶
兵馬不過三四千人勢未能前而亦不敢不步步趨趨隨
撫臣而後也或謂毛弁能以麗兵殺奴衆二千餘而不能

以一卒走河西通消息能先期報興安勿拘寒暑而不能
臨時約日期定策應此中之故殊有可疑然撫臣絕不疑
且與各監軍道書曰即有不利不過殺傷相當必不敢復
渡河也以示此身一東必不復西之意于是乎始服撫臣
當機之勇非弼所能彷彿其萬一也關係進取不敢不預
以密聞往復書稿併錄呈覽等因頃之撫臣貽書並至併
經撫往來回覆書俱封進臣部牛庄亮子溝海州等處進
兵防守堵截等事密議分布各次序臣等不敢瑣瀆
聖覽其毛文龍殺奴衆二千未有的據臣部亦未敢據報
彼中進取情形定于呼吸着一商量不得有私阻遏之勢

廷達雅
論如雨
不並機

強敵在前須專心并力以圖制勝今日之議舍責成二字
道無由矣至于高出胡嘉棟原係經撫共薦業奉

明旨責令竭力建功贖罪姑容使過以望後功臣等又願
在遼文武諸臣勿惕威而口諾勿匿心以面從見在器械
細細整葺見在糧草源源接運一心以佐經撫勿兩可以
啓糾紆人心合一勇氣百倍奴酋可滅而河東已失之難
可復矣伏祈

皇上嚴勅經撫齊心協力料理戰守如河東果可進兵大
兵渡河經臣即多方調度首尾接應如虜中間謀未真肅
隊未可輕發即仍前畫地分守申飭功令務須鄭重以收

萬金建功之日一體陞賞臣等恭候

勅旨遵奉施行

大學士葉向高上言爲

奏稿

廷議紛紜主持無力敬述愚見以備

聖裁臣鉛槧書生不知軍旅頃者扶病出山每告人曰今

邊事助勦支持未易使我廣益集思屈羣策合羣力以徇

國家之急此所能也若運籌制勝料敵設奇指授閫外之

方畧筭無遺策則不能也初聞遼陽之變人情震擾即京

師士民亦多逃避而巡撫王化真時方爲道臣獨能從容

鎮定使河西不至潰散心竊壯之未幾聞熊廷經畧之命

下是難斷
六是不斷

恭禮殷隆則又竊意以爲

朝廷委寄之重如此廷弼才又足當之遠方必無慮矣然
惟時談者已虞經撫之不合臣曰不然也同舟遇風則共
越可爲左右手矧二臣共事地方成則同功敗則同罪每
論封疆利害即身家禍福亦彼此共之安得不合其後見
章疏中稍有形迹臣亦以爲小嫌耳何至于參商惟毛文
龍鎮江之事撫臣以爲功經臣以爲罪意見大異臣竊謂
國家費數千萬金錢招十餘萬士卒未嘗損奴酋之分毫
而文龍以二百人擒斬數十功雖難言罪于何有以爲亂
三方布置之局則此局何時而定以爲貽遼人殺戮之禍

拾人心 獲復疆土一 惟願宜從 事未見經 撫督官密 諭撫按令 其各自赴 司各衙接 應並撫親 督出京後 便使文龍 屈也何得 罪以輕動 即使輕動 亦絲王懸 所安文龍 不執其咎 天下事當 與天下圖 季必事盡

則前此遼人之殺戮已不勝其慘豈盡由文龍故文龍之功罪可勿談也。受事以來即移書二臣力勸其相與輯睦共保危疆而微臣不足感動心甚愧之然私心願望終欲二臣之歡好不敢有一毫左右袒于其間即頃者言官論高出等意或有為臣亦以為非曰如此則廷弼不自安矣近見廷弼有分布防守疏則甚喜為擬

肯稱其有次第又于朝罷告九卿諸臣曰經畧此疏甚佳遼事有著落矣諸臣皆同聲以為然越二三日廷弼又有書問毛文龍殺奴防守兵三千今巡撫往援當進至廣寧為之後繼臣又甚喜曰如此則經畧不惟無嫌于巡撫而

且無憾于文龍遼事亦可爲矣詢之諸臣亦皆以爲然以此見人情之于經撫非有厚薄但欲其同心并力爲遼左計耳而南北言官屢有條陳皆以經撫不合爲說臣與同官商確議以言者旣多若全不照管殊非事體議擬下廷議臣向者見朝端有事輒下廷議心亦爲非惟此事重大不敢以冥冥之見輕爲臆斷意俟議上乃可酌處耳而言者詆臣謂目前可以藉口日後可以卸罪夫人臣處國事而以藉口卸罪爲心則不忠之大者也臣見漢史述趙充國平西羌以爲魏相能用充國亦充國亦自言兵難遙度願至金城圖上方畧而其時廷議亦多異同最後是充

化貞不肖
受其天罰
則其禍益
不肖受化
而制舉
受其禍
和心不
之人持
一塊做
事亦得成

國者乃十人彼何常廢廷議且充國雖主屯田惟時辛武
賢亦竟以力戰取勝夫安知羌之破散武賢盡無功乎今
使廷弼能當充國臣亦何難爲之主張其爲化貞以爲武
賢亦何不可者惟是廷弼之與化貞作用既殊而欲化貞
受其節制則舉朝之人皆以爲難行臣之同官皆爭之
其力豈臣一人所敢獨任臣嘗見前代奸臣妬功嫉能敗
壞國家如盧杞秦檜之流心甚痛恨每讀史至此輒爲
掩卷如使阻撓廷弼以自爲藉口卸罪則與杞檜何異今
日不畏言官他日獨不畏青史耶頃與同官談及戚繼光
相與咨嗟思慕願爲執鞭即具疏請追錄其功

皇上亦以爲然傳諭擬

旨下部議覆矣死者如此生者何如區區愚衷但以年來
征兵轉餉民力困竭若遼事久無結局則內蒙必生恐其
禍不止于蜀也。曾舉趙克國策與經臣籌度而經臣謂屯
田必不可行不征兵不轉餉必不足以守遼此臣之所爲
過計深憂而不敢力主者也。臣病昏迷觸事憤憤其不能
主張不止此一事徒以受事未幾未敢言去然其伎倆智
能大較可見不去亦終無益伏望

皇上下臣章共部斟酌如遼事可以專委廷弼則即申飭
巡撫將吏一聽廷弼之節制不得分其事權至于毛文龍

事得下國紳之口經臣亦未深信須彼中確查如其果真則二臣仍當督率道將合力救援不得以人言推諉自失事機此又臣之所惓惓而厚望也統望

聖明裁斷施行

附經畧熊廷弼揭項閱報見閣下葉老先生廷議紛紜蓋內一段謂年來征兵轉餉民力困竭若違事久無若局則內憂必生恐其禍不止于蜀曾舉趙克國策與經臣籌度而經臣以屯田必不可行不征兵不轉餉必不足以及守邊此臣之所爲過計深憂而未敢力主者也臣老病昏迷觸事情憤其不能主張不止此一事云云若謂屯田一事職不由其主張然者讀之不勝惶懼查葉老先生原書曾引西夏事未曾舉趙克國策籌度也時恐仰益元老憂民憂國之盛意亦將地方情勢悉心籌度其所以不可行不足守之故而後作書還答以付明問今往復札俱在也若謂屯田必不可行不征兵不轉餉必不足以守邊但

一付之精神元氣定當闕外之寄者行之守而治職以
不任之罪易易耳何處不能主張之有往省臺王東里
諸君嘗勅職不用違人不肯屯田以天下僥倖
君父兒戲爲職罪若不知書中所以不可行不可守之
詳而但想必不可行必不足守八字爲日後再復一層
公案設內臺一生而職不知死所矣謹將原書發抄與
海內共質之葉相公來書云永教遼事未可議自是確
論即垣部臺省不能易也今撫臺已歸想此念亦冷惟
是明歲之事須當講求三十萬兵勢必不能集海內坐
此騷動已極若征調不止其禍變恐不但蜀中即使保
得廣寧復得遼陽而天下事亦已去矣且今廣寧之兵
已十餘萬而在事者僅以爲三萬可用然則此三十萬
者即倍而六十萬猶以爲未足也門下試細籌之
國家物力果能辦此否歷觀史冊一隅有亂亦止于一
隅即孱弱如宋以元昊之強開地萬餘里帶甲數十萬
然其所蹂躪不過西陲數郡而已天下宴如無征調轉
輸之擾也今奴酋肆橫其勢尚未及元昊而海內糜爛
决裂一至于此果何故耶往生在政地時門下按遼言
屯田之利至爲詳悉屢勸
明旨褒加獎許

神皇之所以知門下或亦在此比後經畧其地全不談及又何故耶即云開鉄清河諸處追賊不可耕然全復海蓋之區同其宅也何以一粒一粟盡仰給于內地泉用兵而盡仰給內地未有不敗者今毋論奴能渡河能尅我廣寧但使盡三全爲界隻騎不侵而每年千萬之餉從何措籌不義而我已困矣夫人身癰疽爲毒誠足傷生乃善治癰疽者必歸宜其營衛調護其元氣使毒去而人不傷若但用金石克之劑以取効于一時曰我能治癰疽也不知癰疽未去而腸胃已先裂矣扁鵲倉公寧不計及此哉頃光祿何公深爲此慮上書欲置遼陽專守廣寧有能守者則不受茅土之封談者雖以其奔遼陽爲非然使倣其意而行之有能復全遼者即令世守其地如黔國之于滇市租田賦山澤之利盡捐與之俾之專力捍奴毋累四海內庶幾有息肩之日乎英風壯猷如門下亦豈有意于此乎此亦書生之談未必有當聊以質之高明至于大札云千言萬語總是經撫之不合而此中精神千思萬想只望經撫合經撫合則遼安不合則遼危其關係甚大想其不合之故只在不受節制之一言生亦遺書力勸之以聽指麾于門下矣更望門下深念封疆之計舍短取長共挽此不世之憂

業毋至于兩敗而俱傷則天下幸甚厚在夙愛故盡言
無隱倘恕其狂愚而終教之猶生之幸也職回書云頃
承還示深以遼東用兵發動海內爲憂欲要如黔國例
捐遼之例俾人世守其地專力捍奴毋累內地此寧邦
之至懷而周圍之長計也反覆等之將已復全遼驅賊
毋巢而恐其不能卒涉也俾世守以捍奴乎抑就今日
而言捐河西之利專河西之力以捍奴而毋累內地也
國初遼東官軍自食其地後人民掠盡屯樵荒廢雖有
租賦搭放軍餉僅存原額十三雖有雜稅僅供官役廩
料公費與撫賞之用而每仰給度支猶額民八十萬馬
價入九萬撫賞十餘萬未有餘利可捐而予也元昊雖
橫而我所據守遼原秦鳳環慶諸州郡皆生齒財物殷
盛之地其人皆中華固結而無二志以此自足抵當而
天下晏如無征調轉輸之擾遼東三絕地也自秦漢以
來止設督護驛驛未著版圖後且淪入夷狄千餘年未
有歸於一統如此其久者而氣數循環或自有盡是謂
天絕四面周遭三十餘里皆虜皆海僅關外橫亘千里
與內壤相接如筋繫贅尾于身外而極難救援是謂地
絕其風習性情與虜相狎徭役利急則然言而願隨虜
去是謂人絕是奴變以來諱不爲以遼守遼之說周延

撫疏主力行而不效李如楨自請往募而不效劉國晉以遼而不效今巡撫雖募鄉兵一萬七千有奇半多孱弱每人月食三兩護如驕子縱一遣往西寧鎮武設防而棄甲馬以投河東者屢屢見又生齒絕少料民趕牛且苦無人而何況兵馬其不得不徵調于內地者勢也軍中所需鐵鉛煤炭角系鱗竹木一切物料以及各色匠役河西一無所有至于米豆食物向多仰給河東而此路又斷矣屯田之利按道時曾詳言之此太平時也故經畧其地開鉄清撫諸處豈但迫賊不可耕且皆為賊所有金伏海蓋之區雖甚寬然向來不受虜河西開鉄遼陽者往往依之人稠而地磽又重伏山岡不似開遼平坦有可耕之地見住者且開山而種何田可屯而遼陽地土見為民種又未有奪諸民而與軍屯之理先是時潘奉與賊對壘僅六七十里即搬鎮道每馬隊五匹內撥一軍總領放牧亦不可得何況屯田誰是三岔河以西三百餘里土疑可屯而且無對壘之危屢將咨督餉具

題責成撫道行之而撫道皆以領軍已少不誌屯房募又無人應若留接軍屯而每歲支餉廿金所出不免費所食議遂止蓋按遼時領軍月止二錢五分或三錢

分故留屯半以食半以佐餉爲有利而今且人人食內
餉有月支二兩外者時固不同也今三岔河與賊對壘
僅隔一衣帶水而以西荒冷又不得屯矣其不得不轉
輸于內地者亦勢也夫不復全遼斯已矣如欲復全遼
定借內地徵調轉輸之力不徵調不轉輸而欲捐河西
之利專河西之力以復遼而辟奴恐韓范再生黔國復
出亦不敢任况黔國之於滇亦是全用中原之兵是乎
定其地而後捐滇之利以世守之非先委滇於黔國聽
其自駭自守也光祿何公所上書慮深見遠而特以欲
置遼陽專守廣寧之說意見語帶爲言者所駭不知能
專守廣寧者即能全復遼陽者也若沿河設險扼固內
護農田以培其根本外伺釁隙以圖其機會三五年間
必有一段光景可見何公之意正可做而行之耳初見
賊氛甚熾人人齊憤急欲滅此朝食誠恐三方齊進一
完俱完爲不再舉之計免得零碎延挨費反大是其設
登津兩路者非其爲賊能海上來也謂舟師渡海牽制
俾廣寧一舉成事也如目下兵餉必不能應手而三方
之設無用其若遂議裁而歸并廣寧一路爲持久之計
則山海兵馬亦可半裁通計可省兵餉十分之四而海
內之得以少紓十四之憂豈非審時度力酌標固本之

議而但以今日之情勢揆之恐決非
冲聖所能獨斷賢相所能久担科道所能靜聽而外亦
非今撫所能幹辦通
國欲殺之孤獨所能更端而議也耶聞亂談以復明開
伏惟台臺裁示若經撫不合之故豈只在不受節制之
一言實是意見作法有斷斷不合者若但不受節制而
苟於事體果能拂而相成正是大有所有合處雖不肯相
量而行而猶猶重謹奉封疆以從敢有違
違惟台臺
皇之不盡

以左都御史張問達爲吏部尚書鄒元標爲左都御史

贈原任大學士高儀少保廕一子中書

贈講臣郭正域太子少保廕一子中書

賜蕭良有祭葬

禮科左給事周朝崙奏曰臣聞自古天變惟見諸昌者所

急切之詞
又欲使白
日無光

十二月十
四日
風具

可樂

關最大日君象也非弗集之辰忽失其著明之體天之示
異如此有不待瞽史重占而知非吉兆即君臣動色相戒
尚懼不能挽赫怒之威救釀成之禍顧可泄泄然冀其不
應而居若故常乎臣于是月十四日早起看天便覺風色
黯淡不類常時猶意冬月晨霧未消晦暝固所間有迨時
且向午日輪上值中天而光不射目臣因凝睛觀之但見
日上恍有一物其體可比日大而混沌無光伏壓日上東
西磨盪非煙非霧如蓋如吞惟風揚沙一坐溟溟通天皆
赤臣審察移時不勝錯愕竊思太陽除在雲中再有何物
可奪其照大雪連朝厥氷在地即撒風怒號而久陰沙重

徹起爲難，乃須臾之間，紅日無光，乾坤失色，事出非常，變
不虛作。臣非天之吏，亦何暇遠索庶徵，然如此之類，常蓋
得之目睹，屢有試驗矣。臣憶奴酋發難，在萬曆四十六年
三四月，于時天每飛塵，日常生翳，視昨十四日之變，毫無
差別，未幾而撫順報陷，此一驗也。至四十七年之二月，邊
又四路進兵，一日狂風大作，拔木發屋，半晌雨止，當晝舉
火，較之昨日天日頓晦，亦大畧相同，未幾而王師覆沒，殺
戮更慘，又一驗也。如今歲之春，無日不風，無風不雪，人終
日在天日之下，而杳不見天日者，殆一兩月，天地重昏，亦
宛然昨日風烈異常，未幾而河東淪腥，薨赤子橫擢鋒刃。

風凶凡三驗奈何天不悔禍而風霾日暈之變又譴告于東西交警之時臣意

皇上見此天變不知當何如兢惕而臣下食

君之祿亦必分

君之憂乃數月來靈臺漫無考據固無解于尸官

皇上以體天之心爲心天變如此若罔聞知而濟濟官僚方且笑口如常計謀依舊大比比肩構難臣工傾擠不協和小臣呼籲尋隙怙權恃勢不務節義各圖快其私心不恤斷送

皇上之天下今日廣寧迫而近郊關一有不虞再無退步

祇恐禍成不救。召此天戒。有如人。不畏天。憑何威格。願
皇上鑒此陽德。非常天變。非小。屢有徵應。禍患不輕。省躬
慮敗。虛已求言。并

嚴勅內外臣工。盡化陰私。共圖濟否。無復仍前借經貪頑。
甘心誤國。更誅責欽天監官。今茲天日晦暝。有目共睹。爾
屬職司何事。一任昏迷。既于先王之誅。宜按後時之律。人
心大槩。知傲天意。庶幾轉移。臣感此屢試之天威。未必今
番不驗。念念成灰。言言皆血。豈

皇上自爲金甌計。乃不殺于小臣之忠爲

皇上計。而尚可容其戲豫耶。在昔聖君。首稱堯舜。當時大

風爲妖。洪水作孽。故至今有十日並出之紀。有九年不見日之傳。二君不譖爲適然之數。而克謹天戒。禹臯諸臣亦矢鎮承間。川能撥亂反正。終保無虞矣。

皇上倘有疑于言官之入告。亦屬張皇。

先皇帝曾命諸臣輔

皇上爲堯舜之君矣。何不立召諸臣而一一問之。

史官董其昌奏曰。臣聞齊式怒蛙。勇士爭赴。燕收駿骨。知

者輻輳。以二物之微。猶有伯王之資地。况忠義奇杰。奮不

顧身之士。立功于萬死之場。槁目于無援之路。而弃之以

快敵。疑之以資奴。此行道之所咨嗟。愚臣之所扼腕。而爲

此論也

嘉靖十

月

汪滿而也

國家惜也。臣伏覩奴酋發難以來河東世將望風投降反戈內向蕩我疆圉百姓莫不剃頭乞命我之師臣與各道臣奔逃鄭重經畧三授尚方劍加設撫臣沛發內帑竭天下力以供方虎之所指揮竟無敢一矢東向者而兵亂于內疆促于外舉朝文武百官莫不變色相對設曰無將無兵臣竊惑之豈遼東數千餘里無一忠義四海九州之大無一奇才異等之士超距投石之勇堪爲

國家吐氣者觀前後邸報南衛鉄山諸處遺民猶肯徒手保險死不降奴號天飲泣以待王師又幸有毛文龍者持孤劍穿賊中與其豪傑王一寧等設計盟誓以二百人

真正論

文龍厄矣
苦矣

鎮江擒逆賊佟養真等獻之

關下且不費

國家一把鉄一束草一斗糧立此奇功當

時登撫若肯疾速策應容以器械衣糧使之收拾殘民立

成一軍時出撓賊凡諸陷賊之人必有思漢內應者豈非

制奴一奇策耶奈何信王紹勲之偏私藉口先發爲恨一

不策應坐令孤絕又虛騰塘報破壞功臣臣竊傷之以爲

文龍不幸旣隔于奴又隔于登萊無生文龍矣今回鄉人

又稱文龍于前月中設計殺奴賊二三千人奴令李永芳

佟養性以車駕砲往與文龍爲難又放還朝鮮人約共縛

之當事者以文龍無的報恐回鄉人爲奴所遣以誘我僑

賊多計其事誠不可知然使實有此捷而望其來報則事勢之至難者何則奴旣絕河東之路紹勲等又譏妬其功惟恐文龍不死茫茫大海何處可得達乎臣愚以爲文龍縱無後功但以鎮江一事觀之此真奇俠絕倫可以寄邊事者

陛下試問滿朝文武從來有大將不費一鉄一草一糧而能立功如文龍者乎有能置身四陷之地孤絕無援能當忠義子遺感發成功如文龍者乎如此膽畧夫豈易得使今有三文龍奴可擄遼可復永芳養性可坐縛而蒙之鼓下矣且可就遼平遼鼓舞殘民用其必死之心鍊成精卒

不待四出征兵擾動天下川蜀之亂可以不作矣今奔文
龍于絕北委忠義于虎狼之口力盡而不救不資以器械
衣糧使之坐斃以聽奴所魚肉以爲養其報仇佐奴首而
致疾于我也豈不哀哉豈不惜哉夫舍殘遼必死之精卒
不收以爲川而遠募天下以致亂弄奇策有效之文龍不
救而偏信一籌莫展之紹勲侈口三方並攻而索兵索餉
無時可成不知存立文龍一軍即成眼前三方之策舍有
用錄無功孤忠義輔殘賊不顧天下安危但局于一己好
惡如此不已臣恐天下亂盡尚不能越三岔河一步而
社稷已危也臣愚無識誠見邊事危急而阻絕忠義坐失

千城內自賊而遺禽于奴。深爲失策。如不避狂瞽言之伏乞

陛下嚴勅經撫諸臣。消融成心。亟圖救援。或飛一詔募。慣海兵。即所在拜文龍爲大將。錄其民之有功者。次第陞遷。仍。

勅梁之垣。當月陰曲達將所資銀兩宣諭。

朝廷意遍加。

賜來。使益感激立功。早收全遼。不至并壞天下。則

社稷幸甚。天下幸甚。

兵部議。飭薊門守禦。

自有迹難以來二路精銳抽調幾空虜幸而不逞耳倘
窺我無備則庚戌之變實有可憂不止遼左烽火之相
照也蓋原伍之兵抽而不補額將口無而況老弱者又
大半居中虛冒者且影占無實延袤千里其誰禦之合
查原調名數陣亡者議給優卹不得久占名額見在冊
者另給贍家所懸名缺悉行召補而時以簡練之法每
路比試上者食薪糧爲選鋒次爲守兵又次爲雜兵分
別等第以行賞罰而卽用爲將領之差有閭臣之京覈
在又誰不犁然舉乎南兵乘障正爲人非土著則台堡
卽其家業戍守卽其生涯故斥候管轄虜之動靜時在
目中久而漸非其初矣應如舊制名列南營者不許下
臺應役仍用南將統之使將與兵習兵與虜習遼疆之
上必有復親觀威將軍之舊者至于休將毋以鑽隙而
希陞遷毋以震怒而謀更調毋以皮面而託遜虛人既
相習爲通融後弁復多方爲營窺殺事之壞微獨前
門爲然雅意整制不能不藉于塞上之當事者也

經畧熊廷弼又奏不和非關節制奉

聖旨遼事旣委經畧但悉心籌當盡心料理誰能阻撓近

經會議奉旨有以戰守機宜聽卿自酌從來中外事只恐中制今却紛紛貴朝廷過斷咎將誰諉據奏與巡撫當必不相合卦疆大事豈容彼此爭言再致敗壞着兵部差堂上官一員該科官一員往諭朕意如再有抗違不遵的着分別明白指實叅來議處不得含糊了事其道將等官有規避交構不肯實心任事的都着會同巡按官指實叅治作速去